

TVB復辦盆菜宴 兩晚筵開近300席

眾人共同舉杯寄望今年再創佳績。

◆主席許濤即場宣布加工的好消息。

主席許濤宣布將加薪 提振士氣



香港文匯報訊 (記者梁靜儀、攝影彭子文) 無綫一連兩晚於將軍澳電視城舉行職藝員新春盆菜宴，兩晚共筵開約300席，董事局主席許濤在抽獎前上台致詞，並宣布TVB決定今年加薪的好消息；總經理曾志偉表示將停止裁員增聘人手。

主席許濤表示：「每一年去到呢個位，我心情都有少少緊張，因為要上台同大家講少少嘢，又要抽獎，今年唔例外。大家都知道過去嘅2023年香港經濟，或者我哋從事電視廣播業務，經營都係非常困難嘅一年，縱使係一個經營困難嘅客觀環境裏面，TVB都做出非常亮麗嘅成績，係值得大家驕傲，而呢啲驕傲背後，係每一個同事用心去做每一件事，借用獎門人一句說話『觀眾睇到你冇用心去做你嘅嘢。』雖然公司嘅財務表現未完全翻身，但係係2024年，我睇到無論係廣告合作或最近節目同內地平台溝通，我好有信心2024年係TVB翻身嘅一年，因此我代表董事局話畀大家知，今年我哋決定有得加薪，希望呢個消息夠晒熨熨，我們2024年會比2023或前幾年更好！」全場聞言鼓掌歡呼。

志偉稱停止裁員增聘人手

總經理曾志偉受訪時直言加薪幅度好小，至於今年會否向員工發放雙糧，他就帶笑說：「有啲嘢可以同大家商量吓嘅，我講啲嘢唔算數，主席講先算數，我都係聽聽。」早前TVB裁員，志偉表示裁員行動會停止，反而要增聘人手：「新一年有好多綜藝節目及劇集製作，又同好多單位合作，啱家要增加人手，希望請返啲年輕人，台前幕後都要，要培養多啲新人。」



◆TVB高層同怡食盆菜。



◆志偉與一眾藝員打成一片。



◆「亞洲超星團」學員即場載歌載舞。

昨晚出席盆菜宴的藝員有何廣沛、劉穎璇、鄧智堅，應屆港姐冠軍莊子璇、吳偉豪與爸爸吳大強等，吳大強更打頭陣上台表演邊吹口琴邊唱歌，而丁子朗及冼靖峰等「亞洲超星團」學員，則即場載歌載舞，炒熱全場氣氛。至於有份角逐年度頒獎禮的何廣沛、劉穎璇、鄧智堅及許文軒等人，亦有上台拉票。

何廣沛主力爭「男配」

何廣沛今年分別憑劇集《你好，我的大夫》入圍角逐「最佳男主角」及憑《破毒強人》和《新聞女王》，同時入圍角逐「最佳男配角」，不過他就睇好自己得「男配角」獎，他說：「因為每年競爭都好大，同理自己好鍾意《破》劇個啞巴角色，按拍嗰刻已經知道難度好高，一句對白都冇，只可以做手語，呢套劇我私人好鍾意，奈何我有份參演《新聞女王》人氣勁，所以手心手背都係肉。」他直言面對馬國明及陳豪兩位強勁對手，自己有可能跟他們鬥，所以「最佳男主角」會投《破》劇的陳豪一票，而「最佳女主角」就一投給《新聞女王》的「Man姐」余詩曼，基本上是全港人的心水。問到是否已訂好位慶祝？廣沛笑言交畀Man姐，不過要是得獎都會請食飯。

劉穎璇過去一年劇接劇，並憑劇集《隱形戰隊》入圍角逐「最佳女配角」及「飛躍進步女藝員」，對於2023年的成績，她坦言

相當滿意，最想《隱》劇得「最佳劇集」，因劇集對她來說有好大突破，令到好多觀眾認識她，至今出街仍有人會叫她的角色名，是好開心的事，加上劇集拍攝期長達五六個月，台前幕後的付出比起其他更重要，希望劇集有獎讓大家可以聚埋慶祝。距離頒獎禮不夠10日，劉穎璇表示當晚的戰衣仍在趕工中，會是藍色的打扮。

莊子璇化妝變靚拒整容

另外，應屆港姐冠軍莊子璇首次參加盆菜宴，她感到好緊張，因為好多人都不認識。正在大學修讀營養學的她，表示仍在假期中，月底才返學，正準備畢業論文。問到可有信心順利畢業？她卻說：「有咗？」談到再被指整容，她不諱言有留意到報道，並說：「可能大家覺得我太唔靚，靚少少就覺得整容。（即係有整容？）有呀，我有留意大家覺得我邊個位唔好睇，就會喺嗰度化妝化多啲，我有睇網民話我打鼻針，有這種針？我真係唔知。（如果你夠夠膽打？）打針我真係好驚，我唔可以確保以後都唔會，但現階段唔需要。」

紅館騷破紀錄增至14場

Twins稱退休都不解散

香港文匯報訊 (記者子棠) Twins相隔9年再踏紅館，《Twins Spirit Since 2001 Live in Hong Kong》演唱會在本月21日開鑼，距離開騷尚餘兩週，鑑於加場之聲一直不絕，昨日再迎來三度加場的喜訊，大會宣布加開2月5日及6日終極兩場，由12場增至14場！今次第三度加場，蔡卓妍(阿Sa)和鍾欣潼(阿嬌)異口同聲喊出：「嘩！今次真係破晒紀錄！14場！做完真係可以好似歌迷傳言咁光榮引退啦！哈哈！」工作人員叫兩人別說笑，阿Sa打趣道：「咁佢哋真係私問我哋，係咪想解散嘅，笑死，我哋啱家加第13、14場，1314一生一世！Twins就算退休都唔會解散，我哋係一生一世嘅好隊友，Twins Spirit係會長存。破晒紀錄做咁多場，唔係唔畀我哋農曆年『退』下來『休』息一下呀？放個長少少假都得嘅。」阿嬌說：「係囉，1314，我哋都係一生一世。公司話係雙喜終極加場，歌迷應該最開心，因為我同阿Sa為大家爭取



◆Twins陪粉絲一生一世。

到，九成飛放出街賣。今次應該唔會再收到留言話買唔到，大家千萬咪去炒黃牛，等買加場，我又可以有飛補少少朋友債。」

為演唱會排練及keep fit，阿嬌自言今次好醒：「我已經學好舞步，個人又瘦返，嘻嘻。各方面都進行得好好，所以對個演唱會好有信心，大家一齊期待啦。」阿Sa就話：「其實我由第一次開紅館，到今時今日，我每一次都當係最後一次咁做。好珍惜上台同大家相聚的機會，希望全力以赴，做到最好畀大家。不過今次就有一個仍未解決到問題，就係咁多年來我哋演唱會都有握手位，今次我哋都好想有，因為好耐冇見歌迷，但係公司就出現好多反對聲音，佢哋好擔心我哋今次做14場咁多，驚我哋唔好好保護自己，近距離接觸咁多人容易病，我同阿嬌啱家都認緊，點樣可以有一個握到手又安全的方式去解決呢個問題，令歌迷又開心，我哋又開心，大家有咩提議？可以留言話我哋知。」

開畫展獲好友力撐 趙慧珊望今年買樓

香港文匯報訊 (記者阿祖) 趙慧珊(Aka)《Aka C個人作品展「Wonders Phantasm」》於今日舉行，昨日酒會上，獲好友林奕匡與太太李靄璇、趙頌茹及伍允龍出席支持。去年Aka已開過畫展，今年首個個人畫展，共展出16幅以動物故事為主題的畫作，其中一幅配合龍年，也以龍為主幹，寓意飛龍在天，飛黃騰達，畫中尚有一個大心加糖，取其甜蜜開心的意思，另外有蛋糕代表長壽，用來祝願父母健康，她說：「畫中有樓，也是我2024年的目標，就是可以買樓，不過我仍未儲夠首期，希望今年可以賺多些，先買間蝸居，再樓換樓，將來夠與父母和愛犬同住。」要是多加另一半呢？她笑說：「那就由他買樓囉！」其畫作中也有寄寓甜蜜愛情，但單身的Aka今年仍不想脫單：「我看過師傅，說我屬兔今年犯太歲，如果拍拖都會分手收場，可能明年吧。」而之前她參加過愛情真人騷，與多位男生配對過，她表示都未有發展，不過有幾位男生都很好，知她畫動物故事的畫，去看完動物大遷徙都傳照片給她找靈感：「其實個個都好，也都好有心，會來看我的畫



◆趙慧珊展獲一眾好友現身支持。

展。」當中選一個？她笑說：「是每個都有某一個優點好適合我，不如就睇誰買我最多畫作，才夠誠意。」Aka表示為今次畫展共花上半年時間繪畫，犧牲了不少睡眠時間，暗瘡印現還未褪，感覺自己老了不少，幸有媽咪煲靚湯滋潤，妹妹也從澳洲回來睇她的畫展，令她倍感窩心。

趙頌茹(阿Yu)特來支持好友Aka，看着她一直忙，現終開得成畫展，可以再有時間陪她吃飯。原來Aka其中一幅孤獨鯨魚故事的畫作，是阿Yu提供故事。踏入2024年，阿Yu即將首次參與拍飲食節目，這令她喜出望外，所以最近都減定肥準備去「喪食」。不過今年她最專注的，還是女兒的學業。



◆保安局局長鄧炳強現身台上主持支票頒贈儀式。

胡渭康笑韋綺珊「骨頭脆」

香港文匯報訊 (記者阿祖)「胡渭康—Love Returns 慈善演唱會」於前晚(4日)在伊館圓滿舉行，邀請到韋綺珊、顏志恒、支譽儀、文佩玲及魏嘉信擔任嘉賓，而保安局局長鄧炳強更現身台上主持支票頒贈儀式。

胡渭康先以一曲《漁舟唱晚》揭開演唱會序幕，之後唱出《奮鬥》、《為你鍾情》及《相逢何必曾相識》等經典歌，他又跟顏志恒及魏嘉信合唱《伴我啟航》，胡渭康表示：「我見到原唱者林利坐在台下，他靜靜從台灣回來，早知就不慳張機票叫你唱埋啦！」他更問林利兩位後輩的表現如何，林利即豎起拇指讚好。而去年是一代歌后梅艷芳逝世20周年，與阿梅同是第一届新秀歌唱比賽出身的胡渭康，特別選唱《抱緊眼前人》，更於台上預留一張空機，獻唱時他眼有淚光：「當時阿梅真係好疼我，當我親細佬般，好深刻，love you, I miss you！」隨後再與文凱玲合唱阿梅的《笑看風雲變》。

到韋綺珊亮相，胡渭康取笑她「骨頭脆」穿高跟鞋要小心：「第日你唔記得嘢，有認知障礙，我會當你係我媽媽咁照顧。」引來全場笑聲。穿上7吋高跟鞋的支譽儀表示無礙她跳唱快歌，笑言在家已試穿過，感覺好平穩，她又乘機介紹即將推出第一首屬於自己的歌，是以女性生活態度為主題的正能量歌曲。

胡渭康於完騷後受訪時表示今次演唱會反應甚好，正考慮開part 2，他直言當義工可以感染身邊朋友去幫人，更獲得社會各界的支持及認同，感覺十分高興。胡渭康又提到今次是慈善演出，也特別選唱阿梅的歌：「阿梅以前好疼我，所以一定要唱她和張國榮的歌，也令我回想起好多和阿梅的難忘往事。」



◆胡渭康邀得一眾好友助陣。